

UGOVOR

Br. 0602-3283-14/17

Izvođenje radova na rekonstrukciji i sanaciji infrastrukture kojom upravlja i gazduje
KJKP „POKOP“ d.o.o. - Sanacija postojećih kolovoza na groblju Bare,
između parcela P1, P2, P3, P4 i P5

UGOVORENE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004.

IZVOĐAČ: Bucomerc d.o.o. Kiseljak, ul. Brestovsko bb, kojeg zastupa direktor Salih Mustajbegović (u daljem tekstu: Izvođač)
ID broj: 4236016990009, porezni broj PDV: 236016990009.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Otvorenog postupka za javnu nabavku radova "Izvođenje radova na rekonstrukciji i sanaciji infrastrukture kojom upravlja i gazduje KJKP „POKOP“ d.o.o. - Sanacija postojećih kolovoza na groblju Bare, između parcela P1, P2, P3, P4 i P5" objavljenog na portalu javnih nabavki broj obavještenja 775-1-3-152-3-62/17 od 13.12.2017. godine, sažetak obavještenja o nabavci objavljen u "Službenom glasniku BiH" broj 89/17 od 15.12.2017. godine, Zapisnika o pregledu i ocjeni ponuda broj 0602-3283-11/17 od 16.01.2018. godine, Odluke o izboru najpovoljnijeg ponuđača, broj 0602-3283-12/17 od 17.01.2018. godine, te prihvaćene ponude Izvođača broj 0602-3283-8/17 od 28.12.2017. godine.

PREDMET UGOVORA

Član 2.

Predmet ovog Ugovora je "Izvođenje radova na rekonstrukciji i sanaciji infrastrukture kojom upravlja i gazduje KJKP „POKOP“ d.o.o. - Sanacija postojećih kolovoza na groblju Bare, između parcela P1, P2, P3, P4 i P5", a u svemu prema predmjeru i predračunu radova koji je sastavni dio ponude:

CIJENA

Član 3.

Cijena radova koji su predmet ovog Ugovora bez PDV-a iznosi	73.572,50KM
PDV na ponuđenu cijenu radova iznosi	12.507,32KM
Cijena radova koji su predmet ovog Ugovora sa PDV-om iznosi	86.079,82KM

Jedinične cijene date u ponudi su fiksne i nepromjenjive u toku trajanja Ugovora.

Član 4.

Izvođač radova će, samo po pismenoj saglasnosti Ugovornog organa, a na prijedlog nadzornog organa, izvesti eventualne viškove radova i naknadne radove koje se pojave u toku građenja, a za koje Nadzorni organ smatra da su neophodni i za koje mora Ugovorni organ dostaviti zahtjev za saglasnost prije davanja naloga Izvođaču za izvođenje istih.

Viškovi radova i naknadni radovi mogu biti izvedeni samo uz pribavljenu pismenu saglasnost Nadzornog organa i Ugovornog organa, a ukupna vrijednost tih radova ne smije biti veća od dozvoljenog iznosa predviđenog Zakonom o javnim nabavkama.

PLAĆANJE

Član 5.

Ugovorni organ će plaćanje cijene iz člana 3. ovog Ugovora izabranom Izvođaču izvršiti u roku do 60 (šesdeset) dana po ispostavljanju sljedećih dokumenata:

- Izvještaj o izvršenim radovima sastavljen i ovjeren od strane nadzornog organa;
- Za plaćanje uredno ispostavljene fakture osim navedenog potrebno je dostaviti Zapisnik o primopredaji izvršenih radova.

Izvođač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i biti će vraćena Izvođaču na usklađivanje.

Uslovi plaćanja i drugi uslovi koje Izvođač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

Član 6.

Plaćanje će se vršiti na transakcijski račun Izvođača radova broj 1610700004560043 otvoren kod Raiffeisen Bank.

ROK ZA IZVOĐENJE RADOVA

Član 7.

Izvođač se obavezuje da sveukupne radove iz člana 2. ovog Ugovora izvrši u roku od 40 (četrdeset) radnih dana od dana uvođenja u posao.

Pod uvođenjem u posao, u smislu prethodnog stava, smatra se potpisivanje ugovora, predaja lokacije za izvođenje radova i imenovanje lica ovlaštenog za nadzor nad izvođenjem radova od strane Ugovornog organa, odnosno rukovodioca radova od strane Izvođača radova.

O danu uvođenja u posao sačinit će se poseban zapisnik koji će potpisati predstavnik Izvođača radova, predstavnik Nadzornog organa i predstavnik Ugovornog organa.

GARANTNI ROK

Član 8.

Garantni rok za izvedene radove je 36 (tridesetšest) mjeseci i teče od dana primopredaje izvedenih radova. Sve štete i neispravnosti koje bi se ukazale kao posljedica nesolidne izvedbe radova, te upotrebe lošeg materijala, Izvođač se obavezuje otkloniti o svom trošku u toku garantnog roka.

Na poziv Ugovornog organa za otklanjanje neispravnosti koje se uoče u toku garantnog roka Izvođač je dužan da se odazove u roku od 2 (dva) dana, a eventualne štete i neispravnosti koje su se ukazale kao posljedica nesolidne izvedbe radova Izvođač je dužan otkloniti u roku kojem odredi Ugovorni organ.

GARANCIJA

Član 9.

Garancija za dobro izvršenje posla kao uslov za stupanje na snagu ovog ugovora u iznosu od 10% ukupne vrijednosti ugovora bez PDV-a dostavlja se najkasnije u roku do 15 (petnaest) kalendarskih dana od dana potpisivanja ugovora (neopoziva bezuslovna bankarska garancija i plativa na prvi poziv sa rokom važnosti 12 (dvanaest) mjeseci od dana potpisivanja Ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.), jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

PRIMOPREDAJA RADOVA

Član 10.

Primopredaja izvedenih radova između Izvođača i Ugovornog organa izvršit će se nakon završetka radova i obavljenog prijema izvedenih radova od strane Komisije za prijem radova formirane posebnim rješenjem Ugovornog organa. Prijemu izvedenih radova osim članova Komisije prisustvovat će i Nadzorni organ ispred Ugovornog organa i ovlašteni predstavnik Izvođača radova.

O izvršenoj primopredaji izvedenih radova sačinjit će se Zapisnik.

OBAVEZE UGOVORNOG ORGANA

Član 11.

Ugovorni organ se obavezuje da:

- Osigura slobodan pristup lokalitetu izvođenja radova;
- Prije početka radova odredi stručno lice za nadzor i o tome obavjesti Izvođača;
- Imenuje odgovornu osobu za praćenje ovog ugovora;
- Od Izvođača primi izvedene radove;
- Izvođaču plati ugovorenu cijenu na način i u rokovima utvrđenim ovim ugovorom.

OBAVEZE IZVOĐAČA

Član 12.

Izvođač se obavezuje da:

- Izvede ugovorene radove u svemu prema predmjeru i predračunu radova, nalozima ugovornog organa, te važećim tehničkim propisima i standardima za ovu vrstu radova;
- Imenuje rukovodioca gradilišta;
- Uredno vodi izvođačku dokumentaciju i dostavlja na uvid nadzornom organu Ugovornog organa i odgovornoj osobi za praćenje realizacije ugovora ispred Ugovornog organa;
- Poduzima sve potrebne mjere za osiguranje i zaštitu objekata, radova, opreme, materijala i radnika, prolaznika, prometa, instalacija i susjednih objekata;
- Nadoknadi eventualnu štetu nastalu nesavjesnim postupanjem u toku izvođenja radova ili je otkloni o svom trošku;
- Uredi gradilište po završetku radova.

UGOVORNA KAZNA

Član 13.

U slučaju kašnjenja u izvođenju radova, do kojeg je došlo krivicom Izvođača, isti će platiti ugovornu kaznu u skladu sa Zakonom o obligacionim odnosima, u iznosu od 1% (promil) ugovorenih radova, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti koja je predmet nabavke.

Izvođač je dužan platiti ugovorenu kaznu u roku od 7 dana od dana prijema zahtjeva za plaćanje od ugovornog organa. Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

OSTALE ODREDBE

Član 14.

Dobavljač kojem Ugovorni organ dodjeljuje ovaj Ugovor nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 15.

Za sve što nije određeno ovim Ugovorom, primjenjivaće se odredbe Zakona o obligacionim odnosima.

Član 16.

Sve eventualne nesporazume nastale po ovom Ugovoru, ugovorne strane se obavezuju riješiti sporazumno, u protivnom nadležan je Općinski sud u Sarajevu.

Član 17.

Ovaj Ugovor sačinjen je u 6 (šest) istovjetnih primjeraka, i to 2 (dva) za Izvođača, 4 (četiri) za Ugovorni organ.

UGOVORNI ORGAN:

KJKP „POKOP“ d.o.o. Sarajevo

 
izv.dir. Asmir Hodžić Direktor Goran Cerić

Broj: 0602-3283-14/17
Sarajevo, 07.02.2018. god.

DOBAVLJAČ:

„BUCOMERC“ d.o.o. Kiseljak


Direktor Salih Mustajbegović

Broj: SAK 27 / 18
Kiseljak, 17.02.2018. god.